




DS  
735  
A2 W8  
19--  
V.32







尺木堂綱鑑易知錄卷七十

周之炯靜專

綱目續編定本

山陰吳乘權楚材同輯

周之燦星若

宋紀

神宗皇帝

名項英宗長子初封顯王尋立為太子英宗崩即位十八年壽三十八歲而崩

。帝勵精求治不御田遊不治宮室惟勤儉將以大有所為也誤用王安石變更成法以壞天下亡宋之禍實自帝始

戊申神宗皇帝

熙寧元年春正月朔日食

廣元大抵



者人君繼統之首春者四時之長正月者歲之首月  
朔日者月之首日日食於此天殘歲矣厥後祀宗受  
制安不立非君弱臣強之象於  
茲兆乎天道昭昭可畏也  
帝不受朝詔宰相

極言闕失帝嘗謂文彥博曰天下敝事至多不可不

革彥博對曰譬如琴瑟不調必更張之韓絳曰爲政

立事當有大小先後之序帝曰大抵威克厥愛乃能

有濟又謂彥博曰當今理財最爲急務養兵備邊府

庫不可不豐大臣共宜留意節用

綱趙槩罷旦槩秉

心和平與人無怨惡在官如不能言然陰以利物者  
爲多時議比之劉寬

趙槩比劉  
寬要師德

見二四婁師德

見四七

以老求



王安石越次入對

陛下當法堯舜

罷。綱以唐介參知政事。綱夏四月。詔王安石越次入對。目安石受命。歷七月。始至京師。詔越次入對。帝問爲治所先。安石對曰。擇術爲先。帝曰。唐太宗何如。曰。陛下當法堯舜。何以太宗爲哉。堯舜之道。至簡而不煩。至要而不迂。至易而不難。但末世學者不能通知。以爲高不可及耳。帝曰。卿可謂責難於君。一日御講席。羣臣退。帝留安石坐。因言唐太宗必得魏徵。漢昭烈必得諸葛亮。然後可以有爲。二子誠不世出之人也。安石曰。陛下誠能爲堯舜。則必有皋。夔。稷。契。誠能



二子何足道

綱目易知錄

卷七十一

二

爲高宗則必有傳說彼二子者何足道哉以天下之  
大常患無人可以助治者以陛下擇術未明推誠未  
至雖有皐夔稷契傳說之賢亦將爲小人所蔽卷懷  
而去耳帝曰何世無小人雖堯舜之時不能無四凶  
安石曰惟能辨四凶而誅之此其所以爲堯舜也若  
使四凶得肆其讒慝則皐夔稷契亦安肯苟食其祿  
以終身乎  
**綱**六月河決恩今山東東昌府恩縣冀今直隸真定府冀州灤  
今直隸河間府**綱**秋七月以陳升之知樞密院事  
**綱**京師地震自七月至十一月京師地震者六河朔也河北



初封太祖

地亦大震。綱九月。初封太祖。曾孫從式為安定。

涼郡王。明封太祖後。則其於天理民彝。不可得而。亦從厚之深意也。

書以予之宜也。目帝謂創業垂統。實自太祖。顧無

以稱。報稱也。乃下詔封太祖諸孫行尊者一人。奉太

祖祀。世世勿絕。同知太常禮院劉攽言。禮諸侯不

得祖天子。太祖傳天下於太宗。繼體之君。皆太祖子

孫。不當別為天子置後。若崇德昭德芳。俱太之後。世

世勿降爵宗廟祭祀。使之在位。則所以褒揚藝祖。始

也。謂太祖者著矣。帝從之。遂有是命。從式德芳之孫也。綱



冬十一月郊。日執政以河朔旱傷國用不足。乞南郊

勿賜金帛。詔學士議。司馬光曰。救災節用。當自貴近

始。可聽也。王安石曰。常袞辭堂饌。時以為袞自知不

能。當辭職。不當辭祿。見五二且國用不足以未得善

理財者故也。光曰。善理財者。不過頭會。膽箕斂。謂計

出穀以箕爾。安石曰。不然。善理財者。不加賦而國用

足。光曰。天下安有此理。天地所生。財貨百物。不在民

則在官。彼設法奪民。其害乃甚於加賦。此蓋桑弘羊

欺武帝之言。見十四太史公書之。在史記平以見其

頭會箕斂

桑弘羊欺武帝之言



賢好並進

好惡不可  
令人窺測

不明耳。爭議不已。帝曰。朕意與光同。然姑以不允答

之。會安石草制引常袞事責兩府。中書樞密兩府不敢復

辭。**綱**十二月。邵亢罷。

**綱**己酉二年春二月。以富弼同平章事。王安石參知

政事。**目**初弼自汝州。見上卷入覲。詔許肩輿至殿門。

命其子掖以進。且命毋拜。坐語。從容訪以治道。弼

知帝果於有為。對曰。人君好惡不可令人窺測。可測

則姦人得以傳附會。當如天之監人。善惡皆所自取。

然後誅賞隨之。則功罪皆得其實矣。又問邊事。弼對



願二十年  
口不言兵

災異非關  
人事  
人君所畏  
者天

續鑑錄卷之十一  
曰。陛下臨御未久。當布德惠。願二十年口不言兵。帝  
默然。至日昃乃退。欲以集禧觀貫使留之。方辭赴郡。  
至是召拜司空兼侍中。賜甲第。悉辭之。乃詔以左僕  
射夜同平章事。時帝以災變避殿。減膳撤樂。王安石  
言。災異皆天數。非關人事。得失所致。弼在道聞之。歎  
曰。人君所畏者天耳。若不畏天。何事不可為者。此必  
姦人欲進邪說。以搖上心。使輔弼諫諍之臣無所施  
其力。是治亂之機。不可以不速救。即上書數千言。力  
論之。及入對。又曰。君子小人之進退。繫王道之消長。



小人惟喜  
動作生事

王安石泥  
古迂闊

願深加辨察。勿以同異爲喜怒。喜怒爲用舍。陛下好  
使人伺察外事。故姦愴繼得志。又今中外之務漸有  
更張。此必小人獻說於陛下也。大抵小人惟喜動作  
生事。則其間有所希覬。記若朝廷守靜。則事有常法。  
小人何望哉。願深燭其然。無使有悔。帝欲用安石。唐  
介言安石難大任。帝曰。文學不可任邪。經術不可任  
邪。吏事不可任邪。介對曰。安石好學而泥古。故議論  
迂闊。若使爲政。必多所更變。介退。謂曾公亮曰。安石  
果大用。天下必困擾。諸公當自知之。帝問侍讀孫固。



安石狃狹  
少

曰安石可相否。固對曰。安石文行甚高。處侍從獻納之職可矣。宰相自有度。安石狃狹少容。狃狹必欲求急也賢相呂公著司馬光韓維其人也。帝不以爲然。竟以安石參知政事。謂之曰。人皆不能知卿。以卿但知經術。不曉世務。安石對曰。經術正所以經世務。帝曰。然則卿設施以何爲先。安石對曰。變風俗。立法度。正方今之所急也。帝深納之。

雲開張氏曰。安石懷好以堅神宗之意久矣。又非諸賢所能易也。嗚呼。安石天且不畏。况人哉。  
**綱**創制置三司條例司。議行新法。命陳升之。王安石。

議行新法



王安石附  
會周官泉  
府之說

領其事。曰。王安石言。周置泉府。見三卷之官。以權見。

四卷制兼井。均濟貧乏。變通天下之財。後世惟桑弘

羊。見劉晏卷九粗合此意。學者不能推明先王法

意。更以為人主不當與民爭利。今欲理財。則當脩泉

府之法。以收利權。帝納其說。安石猶恐帝不能決意。

任之。乃復言。人才難得。亦難知。今使十人理財。其中

容有一二敗事。則異論乘之而起。堯與羣臣共擇一

人治水。尚不能無敗事。況所擇而使非一人。豈能無

失。要當計利害多少。不為異論所惑。帝曰。有一人敗



事而遂廢所圖此所以少成事也乃立制置三司

見六

五卷條例司掌經畫邦計議變舊法以通天下之利

命升之安石領其事初泉

今福建泉州府

人呂惠卿自真州

今江南揚州府儀真縣推官秩滿入都與安石論經義意多合

王安石薦  
呂惠卿

遂定交因言於帝曰惠卿之賢雖前世儒者未易比

也學先王之道而能用者獨惠卿而已遂以惠卿及

蘇轍並為簡詳文字事無大小安石必與惠卿謀之

凡所建請章奏皆惠卿筆也又以章惇為三司條例

官曾布簡正中書五房凡有奏請朝臣以為不便者



劉恕諫王  
安石

布必上疏條析以堅帝意使專任安石以威勸衆俾  
母敢言由是安石信任布亞於惠卿而農田水利青  
苗均輸保甲免役市易保馬方田諸役相繼並興號  
爲新法頒行天下安石與劉恕友善欲引置三司條  
例恕以不習金穀爲辭且曰天子方屬視公以大政  
宜恢張堯舜之道以佐明主不應以利爲先安石遂  
與之絕

靜軒周氏曰小人之狀言之似忠信行之似廉  
潔人君苟不用之則已苟或用之則天下悖亂  
矣傳曰德者本也財者末也外本內末爭民施  
奪文曰與其有聚斂之臣寧有盜臣安石以財



利之事。警。感。神宗。創。條例。司。議。行。新。法。未。施。至。於。靖。康。而。不。止。然。則。小。火。之。禍。可。勝。言。哉。蓋。綱。目。書。此。亦。不。得。已。焉。耳。亦。傷。時。之。意。耳。

夏四月。河決地震。旱。綱參知政事唐介卒。目介

簡伉直抗也敢言居政府數朔與王安石爭辯而安石

唐介憤王  
安石而卒

強解帝主其說介不勝升其憤遂疽發背而卒諡忠

肅綱以薛向為江浙荆淮發運使議王安石排羣罷

知開封府滕甫目初甫同脩起居注帝召問治亂之

治亂如黑  
白東西

道對曰治亂之道如黑白東西所以變色易位者朋

黨汨骨也之也帝曰卿知君子小人之黨乎曰君子



相附者莫  
莖非松柏

滕甫名言

祭農田水  
利賦役  
明道必有  
所處

無黨譬之草木。綢繆相附者必蔓。萬莖非松柏也。朝

廷無朋黨。雖中主可以濟。不然雖上聖亦殆。帝以為

名言。乃以翰林學士知開封府。甫在帝前論事如家

人父子。言無文飾。洞見肺腑。同帝知其誠。蓋事無巨

細。人無親疏。輒皆問之。甫隨事解答。不少嫌隱。王安

石嘗與甫同考試。語言不相能。善也。深惡甫。會議新

法。恐甫言而帝信之。因極力排甫。出知鄆州。見六八

綱遺使察農田水利賦役于天下。義與明道在當時而

其所處也。惜乎不能知其所以處之之道焉。且從三司條例司之請。遣劉彝



謝卿材侯叔獻程顥明道先生盧秉王汝翼曾伉王廣廉

八人行

上聲。巡行也。

諸路相聲去聲

度

鐸

農田水利稅賦科率

徭役利害

**綱**置賣鹽場于末與軍

治陝西西安府

罷通商法

**目**官自鬻之

從薛向之請也

**綱**五月罷翰林學士鄭

獬

解

宣徽北院使王拱辰知制誥錢公輔

**目**獬權開

封府不肯行新法拱辰與王安石議新法不合公輔

言滕甫不宜去薛向變法當黜安石惡之出獬知杭

州

今浙江杭州府

拱辰判應天府

見六十六卷二五

公輔知江寧府

今江

寧府

**綱**六月罷御史中丞呂誨

**目**王安石既執政士



袖中彈文  
乃新參

此乃心腹  
之疾

大夫多以為得人。呂誨獨言其不通時事。大用之。則  
非所宜。將對學士司馬光。亦將詣經筵。相遇。並行。光  
密問今日所言何事。誨曰。袖中彈文。乃新參也。光愕  
然曰。眾喜得人。奈何論之。誨曰。君實司馬亦為是言。  
邪。安石雖有時名。然好執偏見。輕信姦回。喜人佞已。  
聽其言則美。施於用則疎。置諸宰輔。天下必受其禍。  
且上新即位。所與圖治者。二三執政而已。苟非其人。  
將敗國事。此乃心腹之疾。顧可緩邪。上疏言。大姦似  
忠。大詐似信。安石外示朴野。中藏巧詐。驕蹇慢上。陰



賊害物。誠恐陛下悅其才。辯久而倚毗。皮也。大姦得

路。羣陰彙進。則賢者盡去。亂由是生。臣究安石之迹

固無遠略。惟務改作立異於人。徒文言而飾非。將罔

談天下蒼生必斯人

上而欺下。臣竊憂之。誤天下蒼生。見三十二卷必斯人也。

疏奏。帝方眷注安石。還其章疏。誨遂求去。安石亦求

去。帝謂曾公亮曰。若出誨。恐安石不自安。安石曰。臣

以身許國。陛下處之有義。臣何敢以形迹自嫌。苟為

去就。乃出誨。知鄧州。今河南南陽府誨既斥。安石益橫。去聲

光由是服誨之先見。自以為不及也。誨三居言職。始

服誨先見



呂誨鯁直

行均輸法

論陳旭在宗嘉祐六年四月御史呂誨等上疏論旭陰結宦者故得大用帝日朕選用執政豈容

內臣預議邪乃兩罷之次論歐陽脩見上卷最後論旭知定州誨等亦補外二七

王安石凡三見黜人推其鯁直○王安石嫌呂公弼

不附已乃白用公弼弟知開封府公著為中丞以偏

之公弼果力求去帝不許公著言於帝曰惟人君去

偏聽獨任之弊而不主先入之言則不為邪說所亂

矣帝善其言而不能用綱秋七月行均輸法目條例

司言諸路上供歲有常數年豐可以多致而不能贏

盈餘年歉難於供億而不敢不足遠方有倍蓰洗五倍



日之輸。中都有半價之鬻。徒使富商大賈乘公私之

急。以擅輕重斂散之權。今江浙荆淮發運使實總六

路賦入。宜假以錢貨資其用度。凡上供之物。皆得徙

貴就賤。因近易遠。須知在京倉庫所當辦者。得以便

宜蓄買。而制其有無。庶幾國用可足。民財不匱。詔以

發運使薛向領均輸

見十四卷十五

平準。見十四卷二三專行於六

路。賜內藏

去聲

錢五百萬緡

民。錢貫也。

上供米三百萬石

時議者慮其為擾。多言非便。帝不聽。薛向既董其事。

乃請設置官屬從之。

蘇軾

言。今先設官置吏簿書廩



願陛下圖  
不見之怨

祿爲費已厚。非良不售。非賄不行。是官買之價。比民  
必貴。及其賣也。弊復如前。此錢一出。恐不可復。縱使  
其閒薄有所獲。而征商之額。所損必多矣。帝方惑於  
王安石。不納其言。然均輸法。亦迄不能就。綱八月。罷  
判國子監范純仁。自陝西轉運副使召還。  
拜起居舍人。同知諫院。奏言。王安石變祖宗法度。培  
克財利。民心不寧。書曰。怨。豈在明不見是圖。此夏書五子之  
辭。篇願陛下圖不見之怨。帝曰。何謂不見之怨。對曰。  
杜牧所謂不敢言而敢怒。唐杜牧阿房宮賦。使天下之人不敢言而敢怒。獨夫



范純仁尚書解

范純仁劾王安石

之心。曰者。是也。帝曰。卿善論事。宜爲朕條陳古今治  
益。曠同。亂可爲監戒者。遂作尚書解以進。時帝切於求治。多  
延見疎逖。別也。小臣咨訪闕失。純仁言。小人之言。聽  
之。若可采行之。必有累。蓋知小忘大。貪近昧遠。願加  
深察。及薛向行均輸法於六路。純仁言。臣嘗親奉德  
音。欲脩先王補助之政。今乃使小人掎克生靈。斂怨  
基禍。安石以富國強兵之術。啓迤上心。欲求近功。忘  
其舊學。鄙老成爲因循。棄公論爲流俗。異已者爲不  
肖。合意者爲賢。人在廷之臣。方大半趨附陛下。又從



而驅之其將何所不至。道遠者理當馴旬致事大者。不可速成。人才不可急求。積弊不可頓革。儻欲事功。急就必爲儉。繼繼佞所乘。宜速還言者而退安石。雷章不下純仁力求去。不許。未幾罷諫職。改判國子監。純仁去意愈確。安石使諭之曰。已議除知制誥矣。純仁曰。是。以利恤也。我也。言不用。萬鍾何加焉。遂錄所上章申中書。安石大怒。乞加重貶。帝曰。宜與一善地。命知河中府。今山西平尋徙成都。今四川轉運使。以新法不便。戒州縣未得遽行。安石怒其沮格。閣以事



左遷知和州

今江南和州

賢臣被黜者六人

靜軒周氏曰。值斯之際。羣陰浸盛。小人遂長。君子道消之時也。歷觀四月以來。賢臣之被黜者。六人。滕甫以見忌。安石而罷出。鄭獬王拱辰以梗新法而去官。錢公輔呂誨以直言得罪。范純仁以沮法而左遷。嗚呼。信一小人如是其專棄矣。君子如是其易謂之得計乎哉。綱目皆書罷而不去其官。實有所歸矣。

綱以程顥權監察御史裏行。目初顥舉進士。再調晉

明道治晉城

今山西澤州

令。民以事至縣者。必告以孝弟忠信。度

鐸

鄉村遠近為伍保。使之力役相助。患難相恤。凡孤癯殘廢。使無失所。行旅疾病。皆有所養。鄉必有校。暇時

呂公著薦  
明道

親至召父老與之語。兒童所讀書親為去聲正句讀。豆

鄉民為社會。為立科條。旌其善惡。在縣三年。民愛之。

如父母。去之日。哭聲振野。用薦者改著作佐郎。至是

呂公著薦為御史。帝素知其名。數召見。每退必曰。頗

求對欲常常見卿。一日從容咨訪。報正午始趨出庭

中人曰。御史不知上未食乎。顯前後進說甚多。大要

以正心窒欲。求言育才為言。務以誠意感悟人主。嘗

勸帝防未萌之欲。及勿輕天下士。帝俯躬曰。當為卿

戒之。廣志神宗願治之心可謂至矣。非安石盡其心。議神宗願治之心可謂至矣。非安石盡其心。



唐之君所  
可及哉

綱罷條例司檢詳文字蘇轍曰轍與呂惠

卿論多不合會遣八使於四方求遺利轍以書抵王

安石力陳其不可安石怒將加之罪陳升之止之乃

以爲河南府今河南河南府宋西京也推官綱九月行青苗法

初陝西轉運使李參以部內多戍忽兵而糧儲不足

令民自隱度鐸麥粟之贏盈先貸以錢俟穀熟還官

號青苗錢經數年廩有餘糧至是條例司請以諸路

常平見六六卷十六廣惠見上卷八倉錢穀依陝西青苗錢例民

願預借者給之令平出息二分隨夏秋稅夏稅以六月秋稅以

行青苗法

青苗錢

是亦先王  
耕斂補助  
之意

十月起徵輸納願輸錢者從其便如遇災傷許展至豐熟  
日納非惟足以待凶荒之患民既受貸則兼并之家  
不得乘新陳不接以邀倍息又常平廣惠之物收藏  
積滯必待年儉物貴然後出糶所及者不過城市遊  
手之人今通諸路有無貴發賤斂以廣蓄積急平物  
價使農人有以赴時趨事而兼并不得乘其急凡此  
皆以為民而公家無所利其入是亦先王散惠興利  
以為耕斂補助之意也欲量平諸路錢穀多寡分遣  
官提舉每州選通判幕莫職官一員典幹管轉移出



納。仍先自河北京東淮南三路

見六八卷十九

施行。俟有緒

推之諸路。詔曰。可。乃出內庫緡

見上

錢百萬。糴河北

常平廣惠  
變為青苗

常平粟。而常平廣惠倉之法。遂變為青苗矣。初。王安

石既與呂惠卿議定。出示蘇轍等曰。此青苗法也。有

不便。以告。勿疑。轍曰。以錢貸民。本以救民。然出納之

際。吏緣為姦。雖有法。不能禁。錢入民手。雖良民不免

妄用。及其納錢。雖富民不免踰限。如此。則恐鞭箠必

用。州縣之事。煩矣。安石曰。君言誠有理。當徐思之。由

是逾月。不言青苗。會京東轉運使王廣淵言。春農事

興而民苦之兼并之家得以乘急要邀利乞留本道

錢帛五十萬貸之貧民歲可獲息二十五萬從之其

事與青苗法合安石始以為可用召廣淵至京師與

王廣淵啓  
青苗之禍

之議於是決意行焉廣安石青苗之法向非廣淵之

子於廣淵綱以呂惠卿為崇政殿說書義啓禍勢必見泄於子由矣君

司馬光諫  
確呂惠卿

惠卿為太子中允崇政殿說書司馬光諫曰惠卿懷

纖巧非佳士使王安石負謗於中外者皆其所為安

石賢而懷闊剛不閑世務惠卿為之謀主而安石

力行之故天下並指為姦邪近者進擢不次大不厭



煙入聲。衆心。帝曰：惠卿進對明辯，亦似美才。光對曰：

惠卿誠文學辯捷，然用心不正。願陛下徐察之。江充

見十四。李訓。見五七。若無才，何以動人主？帝默然。光

司馬光貽  
書王安石

又貽書安石曰：諂諛之士於公今日誠有順適之快

一旦失勢，將必賣公自售矣。安石不悅。綱冬十月，富

弼罷。王安石用事，雅不與弼合。弼度鐸不能爭。諍

多稱疾求退，章數十上。帝曰：卿即去，誰可代卿者？弼

薦文彥博。帝默然。良久曰：王安石何如？弼亦默然。遂

出判亳州。今江南鳳陽府亳州。弼恭儉孝敬，好善疾惡，常言君

子與小人並處其勢必不勝。君子不勝則奉身而退。

樂道無悶。

門去聲。悶鬱也。易乾卦文言。遯世无悶。

小人不勝則交結構。

扇千岐萬轍必勝而後已。待其得志遂肆毒於善良。

求天下不亂不可得也。綱以陳升之同平章事。目升

之既相。帝問司馬光曰。近相升之外議云何。對曰。閩

人狡險。楚人輕易。今二相皆閩人。二參政皆楚人。必

將援引鄉黨之士。充塞朝廷。風俗何以更得淳厚。帝

曰。升之有才智。曉民政。光曰。但不能臨大節。不可奪

耳。凡才智之士。必得忠直之人。從旁制之。此明主用

此明主用  
人之法



王安石不曉事又執拗

商於六百里之策

人之法也。帝又曰。王安石何如。對曰。人言安石姦邪。

則毀之太過。但不曉事。又執拗耳。綱城綏州。目初夏

主秉常寇秦州。今陝西鞏昌府秦州復上誓表。請納安遠塞門。

二砦。見六八卷二以乞綏州。見上卷三詔將許之。廊延。見六八卷

宜撫郭達上言曰。此正商於六百里之策。見六八卷十二

也。非先交二砦。不可與綏朝議。以為然。賜以誓詔。達

命機宜文字趙鼎。眉等如夏。禹以夏人渝盟。請城綏

州。不以易二砦。從之。改名綏德城。綱十一月。命韓絳

制置三司條例。目初。陳升之欲傳附會王安石以固

潤筆物置  
梁上

王安石恃  
韓絳爲助

其位。安石亦患正論盈廷。就升之爲助。升之知其不  
可。而竭力爲之用。安石德之。較先使正相。韓絳之既  
相。乃時爲小異。陽若不與之。同者。因言於帝曰。宰相  
無所不統。所領職事。豈可稱司。請罷制置三司條例  
司。由是二人遂判。安石乃薦絳共事。安石每奏事。絳  
必曰。臣見安石所陳非一。皆至當可用。陛下宜省察。  
安石恃以爲助。綱十二月。下龍圖閣學士祖無擇。秀  
州獄。貶爲忠正節度副使。目初無擇與王安石同知  
制誥。安石嘗辭一人所饋潤筆物。不獲取。置諸院梁。



上安石憂去以母憂去職無擇用為公費安石聞而惡之

及安石得政乃諷監司求無擇罪會知明州今浙江寧波府

苗振以貪聞御史王子韶使兩浙浙東治紹興府浙西治杭州府廉

察其狀因迎安石意遂連無擇在杭州貪賄時無擇

知通進銀臺司見六五自京師逮見十九卷赴秀州今浙江

江蘇獄巧詆無所得遂誣以他事調去為忠正軍見六

三卷節度副使無擇以言語政事為時名卿被誣放

棄士論惜之

王安石欲  
揚清釣名

雲間張氏曰安石置此物於梁間正欲揚己之  
清譽以釣名於一時也無擇取為公用母乃嘯

增置官觀

其私之甚乎此其所以有搖牙切齒之毒也神宗置此第一等小人于其瞻其貽禍豈淺淺哉

綱增置宮觀貫官。帝以監司郡守有老不任職者

則與開局王安石亦欲以處異議者遂增置三京東

西京南京見留司御史臺國子監及諸州宮觀官使

不限員綱以張載為崇文院校書尋辭歸。國大抵姦

橫渠見幾明決

正道莫行橫渠辭歸者見幾。易豫卦六二介于石

不俟終日而。載長安。今陝西西安人少喜談兵至

見事之幾也。欲結客取洮。洮水之西為西夏所據洮

二十以書謁范仲淹仲淹謂之曰儒者自有名教可



橫渠治雲巖

調去聲雲巖故城在陝西延安府宜川縣令以敦本善俗爲先每月

吉月朔具酒食名鄉人高年會縣庭親勸酬之使人

知養老事長之義因訪民疾苦及告所以訓戒子弟

之意帝初卽位一新百度思得才哲之士謀之呂公

著薦載有古學召見問治道載對曰爲政不法三代

樂何事於兵因勸之讀中庸載讀其書猶以爲未足  
又訪諸釋老累年究極其說知無所得反而求之六  
經易書詩春秋禮孝經與程顥程頤論道學之要渙然自信曰  
吾道自足何事旁求於是盡棄異學淳如也舉進士

橫渠屏居  
南山

張方平極  
論新法之  
害

者終苟道也。帝悅，以為崇文校書。一日見王安石，安

石問以新政，載曰：「公與人為善，則人以善歸公。如教

玉人琢玉，則宜有不受命者矣。」未幾移疾，移文屏丙

居南山。在西安下。

綱庚戌三年春正月，罷判尚書省張方平。初，帝欲

用王安石，方平以為不可。方平尋以喪去，服闋，服終

日以觀文殿學士判尚書省。安石言：「留之不便。」遂出

知陳州。見上及陞辭極論新法之害。帝為去之，無武

然。猶未幾召為宣徽北院使，留京師。安石深沮之。



韓琦請罷  
青苗疏

方平亦力求去。乃復出判應天府。見上綱二月河北  
安撫使韓琦請罷青苗法。王安石稱疾不朝。詔諭起  
之。曰河北治直隸大名府安撫使韓琦上疏曰。臣準散青苗  
詔書。務在惠小民。不使兼并乘急。以要倍息。而公家  
無所利其入。今所立條約。乃令鄉戶及坊郭戶借錢  
一千。納一千三百。是官自放錢取息。與初詔相違。又  
條約雖禁抑勒。然不抑勒。則上戶必不願請。下戶雖  
或願請。請時甚易。納時甚難。將來必有督索同保均  
賠之患。陛下躬行節儉。以化天下。自然國用不乏。何

陛下脩周公遺法

必使興利之臣紛紛四出。以致遠邇之疑哉。乞罷提舉官。第委提點刑獄。依常平舊法施行。帝袖其疏以示執政曰。琦真忠臣。雖在外不忘王室。朕始謂可以利民。今乃害民如此。且坊郭安得青苗。而使者亦強與之。王安石勃然進曰。苟從其所欲。雖坊郭何害。因難去聲琦奏曰。如桑弘羊見上三。籠天下貨財。以奉人主私用。乃可謂興利之臣。今陛下脩周公遺法。抑兼并振貧弱。非所以佐私欲。安可謂興利之臣乎。帝終以琦說爲疑。安石遂稱疾不出。帝諭執政罷青苗法。趙



趙抃請俟  
安石出

韓絳勸帝  
畱安石

綱鑑易知錄

卷七十一

十一

抃請俟安石出。安石求去。帝命司馬光草答詔。有士  
夫沸騰黎民騷動之語。安石抗章自辯。帝為異辭謝  
之。且命呂惠卿諭旨。韓絳又勸帝畱安石。安石入謝。  
因言中外大臣從官臺諫朋比欲敗先王正道。以沮  
陛下。此所以紛紛也。帝以為然。安石乃起視事。持新  
法益堅。以琦奏付條例司。令曾布疏駁。刊石頒之天  
下。琦申辯愈切。且論安石妄引周禮以惑上聽。皆不  
報。趙清獻素號剛直。今欲安石之出者。則知新法  
之禍。乃清獻不能剛果之所致也。惡在其為剛  
直哉。劉琦謂其囊括拱  
手。但務依違信矣乎。  
**綱**以司馬光為樞密副使。固

辭不拜

廣綱目書光固辭不拜者義所以著其制行之勇也

光素與王安石

厚及行新法貽書開陳再三又與呂惠卿辨論於經

筵安石不樂帝欲大用光訪之安石安石曰光外託

廟

磨切也

上之名內懷附下之實所言盡害政之事

所與盡害政之人而欲置之左右使預國論此消長

之機也光才豈能害政但在高位則異論之人倚以

為重韓信立漢赤幟

見九卷十六

趙卒奪氣今用光是與

異論者立赤幟也及安石稱疾不出帝乃以光為樞

密副使光辭曰陛下所以用臣蓋察其狂直庶有補

與異論者立赤幟



青苗之散

此事之必

於國家若徒以祿位榮之而不取其言是以天官私  
非其人也臣徒以祿位自榮而不能救生民之患是  
盜竊名器見四卷十九以私其身也陛下誠能罷制置條  
例司追還提舉官不行青苗助役法雖不用臣臣受  
賜多矣青苗之散使者恐其通布平負必令貧富相  
保貧者無可償則散而之四方富者不能去必責使  
代償十年之外貧者既盡富者亦貧常平又廢見上十三  
加之以師旅因之以饑饉民之羸者必委死溝壑壯  
者必聚而為盜賊此事之必至者也疏凡九上帝使

解職

始以策試進士

謂之曰。樞密。兵事也。官各有職。不當以他事為辭。光對曰。臣未受命。則猶侍從也。於事無不可言者。會安

石復起視事。乃下詔。允光辭。收還敕誥。知通進銀臺

司。見上。范鎮封還詔旨者。再帝以詔直付光。不由門

下。鎮奏曰。由臣不才。使陛下廢法。乞解其職。許之。綱

解韓琦河北安撫使。目琦以論青苗不見聽。上疏請

解河北。見上。安撫使止。領大名府。治河北。路。王安石欲沮

琦。即從之。綱。三月。始以策試進士。目初同知貢舉。呂

公著在貢院中。密奏言。天子臨軒策士。而用詩賦。非



策祖治策

蘇軾擬答  
進士策

置刑法科

舉賢求治之意。乞出自宸衷。以咨訪治道。至是上御  
集英殿。試進士。遂專用策。賜葉祖洽以下三百人及  
策出身。祖洽策言。祖宗多因循苟簡之政。陛下即位  
革而新之。得擢第一。時直史館蘇軾謂祖洽詆祖宗  
以媚時宰。而魁多士。何以正風化。乃擬答進士策。獻  
之上。以示王安石。安石言。軾才亦高。但所學不正。又  
以不得逞之故。其言遂跌蕩至此。數請絀。黜之。綱置  
刑法科。帝以學者多不通律意。遂立刑法科。或言試  
刑法。世指為俗吏。故應者少。蓋高科不試。人  
不以為榮。乃詔悉試。綱貶知審官院。孫覺知廣德軍。目帝初卽

位。覺為右正言。以言事忤帝意。罷去。王安石早與覺

善。將援以為助。自知通州。

今江南揚州府通州。

召還。累改知審

官院。

見六五卷二四。

時呂惠卿用事。帝問於覺。覺對曰。惠卿

辯而有才。過於人數等。特以為利之故。屈身安石。安

石不悟。臣竊以為憂。帝曰。朕亦疑之。青苗法行。首議

者謂周官泉府。

見上六。

民之貸者。至輸息二十而五。國

事之財用。取具焉。覺條奏其妄。曰。成周

見三卷四。賒奢貸。

特以備民之緩急。不可徒與也。故以國服為之息。然

國服之息。說者不明。鄭康成釋經。乃引王莽計贏盈

孫覺條奏青苗之妄。



受息無過歲什一為據本應周公取息重於莽時況  
國用專取具於泉府則冢宰九賦將安用邪聖世宜  
講求先王之法不當取疑文虛說以圖治安石覽之  
怒始有逐覺意會曾公亮言畿縣散青苗錢有追呼  
抑配之擾安石遣覺行上視也巡視虛實覺言民實不  
願與官相交望賜寢罷遂坐奉詔反覆貶知廣德軍  
治江南廣德州綱夏四月貶御史中丞呂公著知潁州目青  
苗法行公著上疏曰自古有為之君未有失人心而  
能國治亦未有脇之以威勝之以辯而能得人心者

公著諫  
青苗疏

也。昔日之所謂賢者。今皆以此舉為非。而主議者一  
切砌。詆為流俗浮論。急昔皆賢。而今皆不肖乎。會帝

使公著舉呂惠卿為御史。公著曰。惠卿固有才。然姦

邪。不可用。王安石以是積怒公著。誣其言。韓琦欲因

人心如趙鞅。與晉陽之甲。以逐君側之惡。見三四貶

知潁州。見上綱趙抃罷。廣其新法之端於前。復抑其

容入室  
而崇其取

新法之弊於後。是猶盜入室。剖啓新法。見而禁其取也。得乎。其罪也宜矣。註上二十固安石

持新法益堅。抃大悔恨。上疏言。制置條例司建使者

四十餘輩。騷動天下。安石強辯自用。詆公論為流俗。



違衆罔民。順非文。

去聲

過近者臺諫侍從多以言不聽

而去。司馬光除樞密不肯拜。且事有輕重。體有大小。

財利於事爲輕。而民心得失爲重。青苗使者於體爲

小。而禁近耳目之臣用舍爲大。今去

上聲

重而取輕。失

大而得小。懼非宗廟社稷之福也。奏入。懇求去位。乃

出知杭州。

見上

抃長厚清脩。爲政善。因俗施教。寬猛

不同。以惠利爲本。

韓琦稱爲人中表儀。已不及也。綱

以韓絳參知政事。綱以李定爲監察御史。裏行罷知

制誥。宋敏求。蘇頌。李大臨。目定少受學於王安石。舉

能  
人中

進士爲秀州

見上十七

判官孫覺薦之朝召至京師知諫

院李常見之問曰君從南方來民謂青苗法如何定  
曰民便之無不喜者常曰舉朝方共爭是事君勿爲  
此言定卽往白安石且曰定但知據實以言不知京  
師乃不許安石大喜立薦對帝問青苗事定曰民甚  
便之於是諸言新法不便者帝皆不聽命定知諫院  
宰相言前無選人除諫官之比避例也遂拜監察御史  
裏行知制誥宋敏求蘇頌李大臨言定不出銓考擢  
授朝列不緣御史薦寅憲臺雖朝廷急於用才度越



三舍人

常格。然墮友。紊法制。所益者小。所損者大。封還制書。詔諭數四。頌等執奏不已。並坐累格。閣詔命落。知制誥。天下謂之三舍人。繼罷監察御史。裏行程顥。張戢。右正言李常。以謝景溫爲侍御史知雜事。目顥言。自古興治立事。未有中外人情交。謂不可。而能有成者。正使僥倖小有事成。而興利之臣日進。尚德之風浸衰。尤非朝廷之福。帝令顥詣中書議。安石方怒言者厲色待之。顥徐言曰。天下事非一家私議。願平氣以聽之。安石爲去之愧屈。戢與臺官王子韶論新法。

不便乞召還孫覺呂公著。戢又止疏論王安石亂法。  
曾公亮陳升之依違不能救正。韓絳左右徇從。李定  
以邪諂竊臺諫。呂惠卿刻薄辯給。假經術以文姦言。  
豈宜勸講君側。又詣中書爭之。安石舉扇掩面而  
笑。戢曰。戢之狂直宜爲公笑。然天下之笑公者不少  
矣。陳升之從傍解之。戢曰。公亦不得爲無罪。升之有  
愧色。常上言。均輸青苗斂散取息。傳附會經義何異  
王莽猥析周官片言。以流毒天下。安石遣所親密諭  
意。常不爲止。又言州縣散常平見上錢實不出本。勒



民出息。帝詰安石。安石請令常具官吏主名。常以非諫官體不奉詔。安石既積怒言者。而顯等以言不行。

亦各乞罷。乃罷常通判滑州。

今直隸大名府滑縣。

戢知公安縣。

見二七

子韶知上元縣。

今江南江寧府上元縣。

安石素善顯。及

是雖不合。猶敬其忠信。但出為京西路提刑。顯固辭。

乃改簽書鎮寧。

見六二卷二三。

節度判官數日之間。臺諫一

空。安石以外議紛紛。請以姻家謝景溫為侍御史知

雜事。帝從之。綱五月。詔罷制置條例歸中書。以呂惠

卿兼判司農寺。

綱遼立賢良科。綱分審官東西院。六

取日臺諫  
一空

月罷知諫院。胡宗愈。舊制文選屬審官院。武選屬

樞密院。至是帝與王安石議分審官為東西院。東主

文。西主武。以奪樞密之權。且沮文彥博。見上卷也。彥

博言於帝曰。若是則臣無由與武臣相接。何由知其

才而委令之哉。帝不聽。宗愈亦力言其不可。且言李

定非才。帝惡之手詔宗愈。潛伏姦意。中傷善良。罷通

判真州。見上。○監察御史陳薦言。李定頃為涇縣。今

李定母死  
不為服

南寧國  
府涇縣主簿。聞母仇。求氏死。匿不為服。定自辯實不

知為仇氏所生。故疑不敢服。而以待養辭官。曾公亮



謂當行追服。王安石力主之。罷薦御史。而改定爲崇政殿說書。監察御史林旦薛昌朝范育復言定不孝之人。不宜居勸講之地。且論安石之罪。安石又白罷三人。定亦不自安。求解說書。乃檢正中書吏房直舍入院。**綱**以朱壽昌通判河中府。**目**壽昌父巽守京兆

今陝西

西安府時妾劉有娠

震○懷孕也

而出生壽昌數歲乃還

朱壽昌純孝

父家。母子不相聞者五十年。壽昌行四方求之。不得。飲食罕御。酒肉與人言輒流涕。及知廣州軍。治廣東廣州府與家人訣。棄官入秦。即西誓不見母。不還行次。舍同

王安石息  
朱壽昌

州今西安得馬。劉氏時年七十餘矣。京兆守臣錢明

逸以聞。詔壽昌赴闕。時言者共攻李定不服母喪。王

安石力主定。因忌壽昌。及壽昌至。但付審官院折資

通判河中府。見上居數歲。其母卒。壽昌居喪。幾喪去聲

明天下稱其孝。

雲間張氏曰。壽昌天資純孝。何預於李定不服母喪。王安石亦忌之。何邪。蓋壽昌之正。李定之邪。相反者也。若右壽昌必左李定。李定一去。則安石之爪牙失矣。何人助行新法哉。此其所以左壽昌而右李定也。嗚呼。壽昌無預新法。而安石尚忌之。而況其諫者乎。

**綱**秋七月。罷呂公弼。知太原府。以馮京為樞密副使。



綱公弼以王安石變法數朔勸其務安靜安石不悅公弼具疏將論之從孫嘉問竊其橐以示安石安石先白之帝怒遂罷公弼知太原府今山西呂氏號嘉問爲家賊京爲御史中丞言薛向總利權無績效近者復除天章閣待制於侍從爲最親非向人材所堪處帝不悅以語安石安石請改用京帝從之以爲樞密副使綱出直史館蘇軾通判杭州目軾自直史館議貢舉與帝合卽日召見問方今政令得失軾對曰陛下天縱文武不患不明不患不勤不患不斷但患

求治大急。聽言太廣。進入太銳。謂願鎖以安。靜待時  
之來。然後應之。帝竦然曰。卿三言。朕當熟思之。凡在  
館閣。皆當爲朕深思治亂。無有所隱。軾退言於同列。  
王安石不悅。命權開封推官。將困之以事。軾決斷精  
敏。聲聞益遠。嘗以新法不便。上疏極論。且曰。臣之所  
言者。三言而已。願陛下結人心。厚風俗。存紀綱。人主  
所恃者。人心也。自古及今。未有和易同衆而不安。剛  
果自用而不危者。祖宗以來。治財用者。不過三司。見  
五卷今陛下又創制置三司條例司。使六七少年日。  
二六



夜講求於內。使者四十餘輩分行營幹於外。以萬乘之主而言利。以天子之宰而治財。君臣宵旰。幹幾一年矣。而富國之功。茫如捕風。青苗放錢。自昔有禁。今陛下始立成法。每歲常行。雖云不許抑配。而數世之後。暴君汙吏。陛下能保之乎。昔漢武以財力匱竭。用桑弘羊之說。賈賤賣貴。謂之均輸。見十四卷十五於時商賈不行。盜賊滋熾。幾至於亂。臣願陛下結人心者。此也。國家之所以存亡者。在道德之淺深。不在乎強與弱。曆數之所以長短者。在風俗之厚薄。不在乎富與貧。

臣願陛下務崇道德而厚風俗。不願陛下急於有功而貪富強。仁祖持法至寬。用人有序。專務掩覆過失。未嘗輕改舊章。考其成功。則曰未至。言乎用兵。則十出而九敗。言乎府庫。則僅足而無餘。徒以德澤在人。風俗知義。故升遐見六三卷十七登遐之日。天下歸仁。議者見其末年吏多因循。事不振舉。乃欲矯之以苛。何察濟之以智能。招來新進勇銳之人。以圖一切速成之效。未享其利。澆風已成。欲望風俗之厚。豈可得哉。臣願陛下厚風俗者此也。祖宗委任臺諫。未嘗罪一言者。



縱有薄責。旋即超升。臺諫固未必皆賢。所言亦未必皆是。然須養其銳氣。而借之重權者。將以折姦臣之萌也。臣聞長老之談。皆謂臺諫所言。常隨天下公議。

今者物論沸騰。

費

騰怨譴。

讀也。然

交至。公議所在。亦知

之矣。臣恐自茲以往。習慣成風。盡為執政私人。以致人主孤立。綱紀一廢。何事不生。臣願陛下存紀綱者。此也。時王安石贊帝以獨斷專任。軾因試進士發策。以晉武平吳。獨斷而克。

見二十九

卷三十

苻堅伐晉。獨斷而亡。

見三三

齊桓專任管仲而霸。

見三三

卷三十一

燕噲專任于之

見三三

卷三十一

燕噲專任于之

見三三

卷三十一

燕噲專任于之

見三三

卷三十一

燕噲專任于之

見三三

卷三十一

燕噲專任于之

見三三

蘇軾試進士策問

而敗。見六卷十二事同功異為問安石滋不悅使侍御史

謝景溫論奏其過窮治無所得軾遂請外通判杭州

見上八。綱八月夏人寇環慶。見六七卷三州以韓絳為陝西

宣撫使。尋命兼河東宣撫使九。綱九月以曾布為崇政殿說書判

司農寺。綱王安石常欲置其黨一二入於經筵以防

察奏對者呂惠卿遭父喪去職安石遂薦布代之布

資序淺人尤不服尋罷。山陰。今浙江紹興府山陰縣陸佃。田

嘗受經於安石至是應舉入京師安石問以新政佃

曰法非不善但推行不能如初意還為擾民安石驚

陸佃新政之對



曰何乃爾。吾與惠卿議之。又訪外議。佃曰。公樂聞善。古所未有。然外間頗以爲拒諫。安石笑曰。吾豈拒諫者。但邪說營營。顧無足聽。佃曰。是乃所以致人言也。明日召佃謂之曰。惠卿言私家取債亦須一雞半豚。已遣李承之使淮南。見上十四質充矣。旣而承之還說言。民無不便。佃說遂不行。綱以劉庠知開封府。目庠不肯屈事王安石。安石欲見之。或以爲言。庠曰。安石自執政。未嘗一事合人情。往將何語邪。卒不往。而上疏極言新法非是。帝曰。奈何不與大臣協心濟治乎。庠

劉庠不肯  
屈事王安  
石

上與介甫  
如一人

對曰臣知事陛下而已不敢附安石也。**綱**曾公亮罷  
**目**公亮初嫉韓琦故薦王安石以閒諫之見上卷及  
同輔政。知帝方向安石凡更張庶事一切陰助之而  
外若不與同者嘗遣其子孝寬參其謀至帝前略無  
所異由是帝益信任安石。安石深德之。公亮以老求  
去遂拜司空侍中集禧觀使蘇軾嘗從容責其不能  
救正變更公亮曰上與介甫安石字如一人此乃天也  
然安石猶以公亮不盡阿附已於是聽其罷相。**綱**以  
馮京參知政事吳充爲樞密副使。**綱**策賢良方正之



士黜。台。州。司。戶。參。軍。孔。文。仲。目。詔。舉。賢。良。帝。親。策。之。

太。原。今山西太原府判官呂陶對曰。陛下初卽位。願不惑理。

財之說。不開。諫老成之謀。不興。疆場之事。陛下措意。

立。法。自。謂。庶。幾。堯。舜。然。以。陛。下。之。心。如。此。天。下。之。論。

如。彼。獨。不。反。而。思。之。乎。及。奏。第。帝。顧。王。安。石。取。卷。讀。

讀。未。半。神。色。頗。沮。帝。覺。之。使。馮。京。竟。讀。稱。其。言。有。理。

台。州。今浙江台州府司戶參軍孔文仲策凡九千餘言。力論。

安。石。所。建。之。法。非。是。宋。敏。求。第。爲。異。等。安。石。怒。啓。帝。

御。批。罷。文。仲。還。故。官。齊。恢。孫。固。封。還。御。批。范。鎮。上。疏。

稱呂陶言有理  
宋敏求第  
孔文仲策  
爲異等

言所薦孔文仲草茅疏遠不識忌諱且以直言求

之。交罪之恐為聖明之累。不聽。呂陶亦止授通判

蜀見五一綱罷翰林學士司馬光曰光求去上曰

王安石素與卿善何自疑光曰安石執政凡忤其意

如蘇軾輩者皆毀其素履謂生平之所履也易履卦初爻素履往无咎中

去聲以危法臣不敢避削黜但欲苟全素履且臣善安

石孰如呂公著安石初舉公著後亦毀之彼一人之

身何前是而後非必有不信者矣求益力乃以端明

殿學士知永興軍見上綱冬十月陳升之罷升之既與安石



件會母喪去位。**綱**貶秦鳳經略使李師中知舒州。**目**管幹秦

鳳見六七卷三三。經略司機宜文字王韶請築渭見四一涇卷二二

見十七上下兩城屯兵以撫納洮河見四五諸部下卷十九

師中議師中以爲不便詔師中罷師事。韶又言渭源

今陝西臨洮至秦州見上良田不耕者萬頃百畝願

置市易司頗籠商賈之利取其贏盈以治田乞假官

錢爲本。詔秦鳳經略司以川交子見六七易物貨給卷十六

之。命韶領市易事。師中言韶所指田乃極邊弓箭手

地耳。又將移市易司於古渭恐秦州自此益多事所

得不補所亡。王安石主韶議為去聲削師中職。徒知舒

州。今江南安慶府。尋進韶太子中允。初師中仕州縣。邸見四

四。狀報包拯參知政事。或曰朝廷自此多事矣。師中

王安石眼多白甚似

土敦

李師中先

識

范鎮疏

曰。包公何能為。今知鄞縣。見上卷王

甚似王敦。見三卷二他日亂天下者必斯人也。世

貴其先識。綱翰林學士范鎮致仕。回鎮上疏曰。臣言

青苗不見聽。一宜去。薦蘇軾孔文仲不見用。二宜去。

李定避持服。遂不認母。壞人倫。逆天理。而欲以為御

史反為之罷舍人。遂臺諫。王韶上書肆欲欺罔。以興



造邊事。事敗則置而不問。

安石既主韶議以竇舜卿知秦州與內侍李若愚接

開田所在僅得地一頃地主有訟又歸之矣舜卿若愚奏其欺安石又為謫舜卿而命韓鎮鎮遂附會實

其反為之罪帥臣反不用蘇軾則倚雞上聲撫職也

其過不悅孔文仲則遣之歸仕以此二人況也況彼

二人是非得失能逃聖鑑乎因復極言青苗之害且

曰陛下有納諫之資太臣進拒諫之計陛下有愛民

之性大臣用殘民之術疏入王安石大怒持其疏至

手顙戰乃自草制極詆之遂以戶部侍郎致仕鎮表

謝略曰願陛下集羣議為耳目以除壅蔽之姦任老

王安石持  
手顙

范鎮不欲  
享名  
改諸路更  
戍法

宋初四軍

成爲心腹。以養中和之福。天下聞而壯之。蘇軾往賀。

曰。公雖退而名益重矣。鎮愀然。悚動曰。君子言聽。

計從。消患於未萌。使天下陰受其賜。無智名。無勇功。

吾獨不得爲此。使天下受其害。而吾享其名。吾何心。

哉。綱十二月改諸路更耕戍。初太祖懲五代之

制。天子衛兵以守京師。更番戍邊者曰禁軍。諸州鎮

兵以分給役使者曰廂軍。選於戶籍。或應募使之團

結。以爲所在防守者曰鄉軍。具籍塞下。以爲藩籬者

曰蕃軍。大抵四者而已。至是議者以戍法雖無難

制之患。而兵將不相識。緩急不可恃。乃部分諸路將

兵。總隸禁旅。使兵知其將。將練其兵。平居知有訓厲

而無番戍之勞。尋置京畿河北京東西路三十七將

陝西五路四十二將。然禁旅盡屬將官。飲食嬉遊養



立保甲法

成驕情又將官遂與州郡長吏爭衡每將各有部隊  
將訓練官等數十人而諸州舊有總管幹轄都監監  
押設官重複虛破廩祿知兵  
**綱立保甲法**王安石言  
者皆知其非卒不能奪也  
為兵今欲公私財用不匱為宗社長久計當罷募兵  
用民兵乃立保甲其法十家為保有保長五十家為  
大保有大保長十大保為都保有都保正副主客戶  
兩丁以上選一人為保丁附保兩丁以上有餘丁而  
壯勇者亦附之內家資最厚材勇過人者亦充保丁  
授之弓弩教之戰陣每一大保夜輪五人警盜凡告  
捕所獲以賞格從事同保犯強盜殺人強姦略人傳  
習妖教造蓄蠱毒知而不告依律五保法餘事非干  
已又非教律所聽糾皆毋得告雖知情亦不坐若於  
法鄰保合坐罪者乃坐之其居停強盜三人經三日  
保鄰雖不知情科失覺罪逃移死絕同保不及五家  
并他保有自外人保者收為同保戶數足則附之俟  
及十家則別為保置牌以書其戶數姓名提點刑獄  
趙子幾迎安石意請先行於畿甸詔從之遂推行於

老臣所以  
報國

行募役法

永興秦鳳河。北東西。五路以達於天下。於是諸州籍保甲聚民而教之。禁令苛急。往往去為盜。郡縣不敢以聞。判大名府。今直隸大名府。王拱辰抗言其害曰。非止困其財力。奪其農時。是以法驅之使陷於罪罟也。浸淫為大盜。其兆已見。縱未能盡罷。願裁損下戶以紓。寄之主者指拱辰為沮法。拱辰曰。此老臣所以報國也。抗章不已。帝悟。由是下戶得免。綱以韓絳。王安石。同平章事。王珪。參知政事。綱行募役法。先是詔條例司。講立役法條例。王致民財以祿庶人在官者之意。命呂惠卿。曾布。相繼草具條貫。踰年始成。計民之貧富。分五等輸錢。名

綱監易印案

卷七十

宋神宗

三六



免役錢若官戶女戶寺觀單丁未成丁者亦等第輸  
錢名助役錢凡敷錢先視州若縣應用雇直多少隨  
戶等均取雇直又增取二分以備水旱欠闕謂之免  
役寬剩錢用其錢募人代役既試用其法於開封府  
遂推行  
於諸路

司馬光言上等戶自來更互充役有時休

息今使歲出錢是常無休息之期下等戶及單丁女  
戶從來無役今盡使之出錢是鰥寡孤獨之人俱不  
免役夫力者民之所生而有穀帛者民可耕桑而得  
至於錢者縣官不敢指斥天子故稱縣官之所鑄民之所不得私  
為也今有司立法惟錢是求歲豐則民賤糶其穀歲  
凶則伐桑棗殺牛賣田得錢以輸民何以為生乎此

法卒行富室差此得自寬貧者困窮日甚矣帝不聽



新金易知錄

卷十一

三十一

尺木堂綱鑑易知錄卷七

唐之炯靜專

綱目續編定本

山陰吳乘權楚材同輯

周之燦星若

宋紀

神宗皇帝

綱辛亥四年春正月韓絳使神訥絳復以謬為鄜延

鄜延見六入卷八青

間見六九卷三三

襲夏人於羅元敗之遂城羅

元在延安府米脂縣西北

綱粥同廣惠倉田見六



更定科舉法

八。本絕戶業以賑濟者也。王安石請粥之以爲河北東西陝西京東四路青苗本錢。詔從之。○綱二月更耕定科舉法。專以經義論策試士。○目初上篤意經學。深憫貢舉之弊。且以西北人材多不在選。遂議更法。王安石言於帝曰。進士科試詩賦。亦多得人。然士少壯時。正當講求天下正理。乃閉門學作詩賦。及其入官。世事皆所未習。此科法敗壞人材。致不如古。○既而中書門下言。今欲追復古制。則患於無漸。宜先除去聲律偶對之文。使學者得專意經術。以俟朝廷興建學。

罷詩賦

試四場

殿試分五等

校然後講求三代所以教育選舉之法施之天下則庶幾可以復古矣於是改法罷詩賦士各占治易詩書周禮周公作禮記一經兼論語孟子每試四場初本經次兼經大義凡十道次論一首次策三道禮部試即增二道其殿試則專以策分五等第一等二等賜進士及第第三等賜進士出身第四等賜同進士出身第五等賜同學究出身

雲間張氏曰安石定科之法最為得之觀其言曰士少壯時正當講求天下正理乃閉門學作詩賦及其入官世事皆所未習此科舉敗壞人材致不如古其識見高於人遠矣但曰士各占



王安石千古叛經罪

治一經而春秋獨不與者此所以為千古叛經之罪人也

綱三月夏人陷撫寧諸城詔安置種諤于潭州今湖南

沙韓絳免罷知鄧州詔察奉行新法不職者且陳畱今河南

南開封府知縣姜潛到官才數月青苗令下潛即榜

於縣門又移之鄉村各三日無人至遂撤榜付吏曰

民不願矣即移疾移文稱疾去山陰見上卷知縣陳舜俞

上書極論新法謫監南康軍治江西鹽酒稅至是復

上書言青苗法實便初迷不知爾識者笑之綱夏四

月以司馬光判西京畱臺光在永興見上卷以言

司馬公四  
不如

不用乞判西京

見六卷二五

畱臺不報。又上疏曰。臣之不

才最出羣臣之下。先見不如呂誨。

見上卷九

公直不如范

見上卷九

純仁。

見上卷十一

程顥。

見上卷二五

敢言不如蘇軾。

見上卷二八

孔

文仲。

見上卷三二

勇決不如范鎮。

見上卷三四

今陛下唯安石

是信。附之者謂之忠良。攻之者謂之讒慝。臣今日所

言。陛下之所謂讒慝者也。若臣罪與范鎮同。即乞依

鎮例致仕。若罪重於鎮。或竄或誅。所不敢逃。久之。乃

從其請。光既歸洛。自是絕口不復論新法。綱以鄧綰

為侍御史。判司農寺。目初綰通判寧州。

今陝西慶陽府寧州

知



鄧綰諂王安石

王安石得君專政。乃條上時事數十。以為宋興百年。習安玩治。當事更化。且言陛下得伊周之佐。作青苗免役等法。民莫不歌舞聖澤。願勿移以浮議。而堅行之。復貽安石書。極其佞諛。由是安石力薦於帝。遂驛召對。帝問識王安石呂惠卿否。綰對曰。不識也。帝曰。安石今之古人。惠卿賢人也。退見安石。欣然如素交。或問君今當作何官。綰曰。不失為館職。得無為諫官乎。明日果除集賢殿名。校理檢正中書孔目房。鄉人在都者皆笑且罵。綰曰。笑罵從他笑罵。好官還我為之。

笑罵從他笑罵

呂誨以身  
疾喻朝政

尋同知諫院時新法皆出司農曾布不能獨任其事

安石欲藉綰以威衆故有是命綱五月右諫議大夫

呂誨卒。誨以疾表求致仕。曰。臣本無宿疾。偶值醫

者用術乖方。妄投藥劑。齊去聲寢浸成風痺。秘。脚遂

艱行步。非祇憚蹠。職戾。例。蹠。足掌曰蹠。蹠戾言

也。漢書賈誼傳病非徒瘡也。又苦蹠蹠。又將虞心腹之變。勢已及此。爲

之奈何。蓋以身疾喻朝政也。至是病亟。司馬光往省

之。至則目已瞑。聞光哭。張目強視曰。天下事尚可

爲君實。司馬光字勉之。遂卒。綱罷知開封府。韓維。綱保甲



絕指斷腕  
以避丁

法行。維時知開封。上言諸縣團結保甲。鄉民驚擾。至有截指斷腕以避丁者。乞候農隙排定。帝以問安石。安石對曰。此固未可知。就令不有之。亦不足怪。帝言民言合而聽之。則理亦不可不畏也。安石對曰。爲天下者。如止欲任民情所願而已。則何必立君而爲之。張官置吏也。大抵保甲法。不特除盜。固可漸習爲兵。且省財費。惟陛下果斷。不恤人言。以行之。帝遂變河東北陝西三路義勇。見六九卷二二如府畿保甲法。安石由此益惡維。帝欲命維爲御史中丞。維以兄絳居政。

府力辭。安石因言：「維善附流俗，以非上所建立，乞允。」

其請。會文彥博求去，帝曰：「密院事劇，當除韓維佐卿。」

明日，維奏事殿中，以言不用，力請外郡，乃出知襄州。

今湖廣襄陽府。綱：六月，知蔡州歐陽脩致仕。脩以風節自

持，既遠被污，滅。蠹亦汚也。年六十，即乞謝事，及守青州。

今山東青州府。土疏請止散青苗錢，帝欲復召執政王安石

力詆之，乃徙蔡州。今河南汝寧府。至是，求歸益切。馮京請留

之。安石曰：「脩附麗韓琦，以琦為社稷臣，如此人，在一

郡則壞，怪。一郡在朝廷則壞朝廷，留之安用？乃以太

王安石惡歐陽脩



蘇軾身外錄 卷十一

于少師致仕。綱貶富弼官。徙知汝州。目弼判亳州。上

卷十青苗法行。弼謂如是。則財聚於上。人散於下。持

不行。提舉官趙濟劾弼沮格。閣詔旨。鄧綽乞付有司

鞫。窮罪也。治乃落弼使相。見五卷三一。以左僕射。移判

汝州。見上卷四弼行過應天。見上卷十九謂判府張方平曰。人

固難知也。方平曰。謂王安石乎。亦豈難知者。方平頃

知皇祐。仁宗年號貢舉。或稱其文學。辟壁舉也。以考較既至。

院中之事。皆欲紛更。耕方平惡其為人。檄吸。移之

使出。自是未嘗與語。弼有愧色。蓋弼亦素喜安石也。

人固難知

富弼有愧

老成人不可不惜

綱。秋七月。貶御史中丞楊繪知鄭州。監察御史裏行

劉摯監衡州鹽倉。明發是時新法之行流毒海內韓維

論青苗錢而致仕富弼楊繪劉摯皆梗新法救正人

而貶謫嗚呼以有限之才忍無窮之逐正道之不行

未有疎於目時賢士多引去以避王安石繪上疏言

老成人不可不惜。當今舊臣多引疾求去。范鎮年六

十有三。呂誨年五十有八。歐陽脩年六十有五。而致

仕。富弼年六十有八。而引疾。司馬光王陶皆五十而

求散地。陛下可不思其故乎。安石聞而深惡之。摯為

安石所器。拜監察御史裏行。始就職。即奏言。陛下有



漢唐黨禍  
易走

張璪辭作  
十難

勸農之志。今變而為煩擾。陛下有均役之意。今倚以  
為聚斂。天下有喜於敢為。有樂於無事。彼以此為流  
俗。此以彼為亂常。此風浸成。漢唐黨禍。漢見五六卷  
十唐見五七  
一。必起矣。因陳率錢助役十害。繪又言助役之難行  
者有五。於是安石大怒。使知諫院張璪。藻取繪摯所  
論助役十害。五難行之事。作十難。去聲以詰之。璪辭  
不為。曾布請為之。既作十難。且劾繪摯欺誕懷向背。  
詔下其疏於繪摯。使各言狀。繪錄前後四奏以自辨。  
摯奮然曰。為人臣。豈可壓於權勢。使天子不知利害。

曆官自  
變之

之實。卽條對所難。以伸其說。不報。明日復上疏曰。陛下夙夜勵精。以親庶政。天下未致於安。且治者誰致之邪。陛下注意以望太平。而自以太平爲己任。得若專政者是也。二三年閒。開闔搖動。舉天地之內。無一民一物得安其所者。其議財。則市井屠販之人。皆召至政事堂。其征利。則下至曆日。而官自粥之。推此以往。不可究言。輕用名器。淆混賢否。忠厚老成者。擯之爲無能。俟少俛。辯者取之爲可用。守道憂國者。謂之流俗。敗常害民者。謂之通變。凡政府謀議經畫。



除用進退獨與一掾

硯屬也官屬

曾布者論定然後落

筆同列與間反在其後故奔走乞丐之人布門如市

今西夏之款未入反側之兵未安三邊瘡痍流潰會

未定河北大旱諸路大水民勞財乏縣官

見上卷減

耗聖上憂勤念治之時而政事如此皆大臣誤陛下

而大臣所用者誤大臣也疏奏安石欲竄摯嶺外帝

不許詔貶繪知鄭州

今河南開封府鄭州

謫摯監衡州

今湖廣衡州府

鹽倉璪亦落職

綱

八月以王雱

滂

為崇政殿說書

雱安石子也為人慄

慄

慄急也

陰刻無所顧忌性

王雱標悍  
陰刻

錢版鑄市

王雱稱商  
鞅為豪傑  
之士

敏甚。未冠已著書數十萬言。舉進士。調去聲旌德今江

國府旌德縣尉。雱氣豪。睨睨。謂也。邪。一世不能作小官。

安石執政所用多少年。雱亦欲預選。乃與父謀曰。執

政子。雖不可預事。而經筵可處。安石欲帝知而自用。

乃以雱所作策及注道德經見四九卷。鏤。漏也。版鬻

於市。遂傳達於帝。鄧綰曾布又力薦之。召見。除太子

中允。崇政殿說書。安石更張政事。雱實導之。常稱商

鞅。即衛鞅。見五卷十四。為豪傑之士。且言不誅異議者。則法不

行。安石一日與程顥語。雱囚首跣先上足也。攜婦



人冠以出問父所言何事曰以新法爲人所沮故與  
程君議之。雱大言曰。梟韓琦富弼之首於市。則法行  
矣。安石遽曰。見誤矣。顯曰。方與參政論國事。子弟不  
可預。姑退。雱不樂。**綱**命王韶主洮河。見上卷安撫司  
事。**綱**冬十月。以鮮于複侁莘爲利州轉運副使。**目**初  
詔監司各定所部助役錢數。利州見六一卷九路轉運使  
李瑜欲定四十萬。侁時爲判官。爭之曰。利州民貧  
地瘠。半此可矣。瑜不從。遂各爲奏。帝是侁議。諭司農  
曾布使頒以爲式。因黜瑜。而擢侁副使。兼提舉常平。

見上卷

二六

旣既為副使。部民不請青苗錢。安石遣吏詰

之。旣曰青苗之法。願取則與。民自不願。豈能強之哉。

蘇軾稱旣上不害法。中不廢親。下不傷民。以為三難。

雲間張氏曰。觀分注。載旣曰。願取則與。民自不願。豈能強之哉。此最善處。青苗之法者也。子瞻

稱其為三難。不亦當乎。

立太學生  
三舍法

綱立太學生三舍法。曰帝垂意儒學。因言者論太學

假錫慶院

見六入卷二

西北廊甚湫隘。

見五一卷二

乃盡以錫

慶院。及朝集院西廡。廣太學。增直講為十員。率二員

共講一經。生員釐為三等。始入太學為外舍。定額為



七百人。外舍升內舍。員三百。內舍升上舍。員百。各執

一經。從所講官受學。月考試其業。優等以次升舍。

綱壬子五年春正月。置京城邏羅去聲卒。察謗時政。

者廣此即商鞅義則宋之所以不秦者幸也然綱二月。以蔡挺為樞

密副使。目挺知渭州今陝西鞏昌府甲兵整習。常若寇至。故

多立功效。然謗智深險。在位歲久。鬱鬱不得志。寓意

詞曲。有玉關人老之句。中使至。使優伶歌之。傳達禁

中。帝聞而愍之。故有是命。綱三月。判汝州富弼致仕。

目弼至汝州見上兩月。即上言新法臣所不曉。不可

此即商鞅  
謗之禁

玉關人老

以治郡願歸洛陽養疾許之遂請老復授司空使相

見同上使致仕彌雖家居朝廷有大利害知無不言帝

雖不盡用而眷禮不衰嘗因王安石有所建明却之

富弼仰屋竊歎

曰富弼手疏稱老臣無所告訴但仰屋竊歎者即當

行市易法

至矣其敬之如此綱行市易法目自王韶倡為緣邊

市易之說見上卷三王安石善之以為與漢平準見十卷四

三法同可以制物低昂而均通之遂用草澤魏繼宗

議以內藏庫錢帛置市易務於京師凡貨之可市及

滯於民而不售酬壽二音賣物也者平其價市之願以易官

宋神宗



行保馬法

物者聽若欲市於官者則度鐸其田宅或金帛爲抵  
當而貸之錢責期使償半歲輸息十一及歲倍之過  
期不輸息外每月更加罰錢以戶部判官呂嘉問爲  
提舉綱夏五月行保馬法目王安石建保甲見上卷三五  
養馬之法文彥博吳充以爲不便安石持論益堅乃  
詔曾布等上其條約保甲願養馬者戶一匹物力高  
願養二匹者聽皆以監牧現馬給之或官與其直  
價令自市先行於開封府及陝西五路歲一閱其肥  
瘠死病者補償三等以上十戶爲一保四等以下十

戶為一社。以待病斃補償者。保戶馬死。保戶獨償社。

戶馬死。社戶半償之。其後遂徧行於諸路。綱王安石

求去位。帝不許。綱秋閏七月。以章惇為湖北察訪使。

目時帝思用兵。以威四夷。湖北提點刑獄趙鼎上言。

峽冷州今湖廣荊州府夷陵州。峒洞。會刻剝無度。蠻衆頗內附。

辰州辰州府今湖廣布衣張翹亦上書言南北江利害。遂詔

中書檢正官章惇察訪荆湖北路。經制蠻事。綱八月。

王韶擊吐蕃。見六六卷二八敗之。遂城武勝。建為鎮目初韶

言措置洮河。見上只用回易息錢。未嘗輒費官本。文



工師造屋之喻

歐陽脩五代史

彥博曰。工師造屋。初必小計。冀人易於動工。及既興作。知不可已。乃方增多。帝曰。屋壞豈可不脩。王安石曰。主者善計。自有忖度。鐸豈爲工師所欺也。彥博不復敢言。由是詔進計。敢肆欺誕。朝廷不與計財。**綱**觀文殿學士致仕歐陽脩卒。自是歲有詔求脩所撰五代史。而脩卒矣。脩天資剛勁。見義勇爲。平生與人盡言無隱。獎引後進。如恐不及。賞識之下。率爲聞去人。及在政府。士大夫有所干請。輒面諭可否。雖臺諫論事。亦必以是非詰乞之。怨誹益衆。自五代以來。文體

卑弱脩遊今湖廣德安府隨州。得唐韓愈遺藁讀而心慕

之苦心探宅。蹟雜也。易繫辭上。傳探蹟索隱。鉤深致遠。坐忘寢食遂以

文章名冠貫天下。學者翕然師尊之。謚文忠。綱貶唐

垌。綱為潮州別駕。垌嘗上書言秦二世制於趙高

乃失之弱非失之彊帝悅其言。又言青苗法不行宜

斬大臣異議如韓琦者數人。王安石尤喜之薦使對

賜進士出身為崇文院校書。安石復命鄧綰舉為御

史遂除太子中允。將用為諫官。安石疑其輕脫將背

已立名不除職以本官同知諫院非故事也。垌果怒



唐堦廷刻  
王安石

安石易已凡奏二十疏論時事皆留中不出堦乃因  
百官起居日扣陛請對帝命諭以他日堦伏地不起  
遂召升殿堦至御座前進曰臣所言皆大臣不法請  
對陛下一一陳之乃搢笏見二二展疏目安石曰王  
安石近御座聽劄子見六四安石遲遲堦訶曰陛  
下前猶敢如此在外可知安石竦然而進堦大聲宣  
讀凡六十條大抵言安石專作威福會布表裏擅權  
天下但知憚安石不復知有陛下文彥博馮京知而  
不敢言王珪曲事安石無異厮僕且讀且曰珪珪慙

唐垆小人  
變為君子

懼俯首先降。又言薛向陳繹安石頤指氣使無異家

奴張璪李定為安石爪牙。張商英乃安石鷹犬。至詆

安石為李林甫。唐玄宗朝姦相盧杞。唐德宗朝姦相帝屢止之。垆慊

慨自若。略不退懾。讀已下殿再拜而退。侍臣衛士相

顧失色。垆蛤門糾其瀆亂朝儀。貶潮州。今廣東潮州府別駕。

靜軒周氏曰唐垆言事而貶曷為削去其官誅心也垆初附安石神宗悅而用之然其心冀得美職耳迨夫授官不協遂背安石是亦反覆之小人也故特削去其官雖然過則勿憚改聖人之格言垆能力劾安石不懼艱險是蓋小人變為君子則能以愛君為念而不計其私矣觀其六十餘條之奏面折廷爭其志為可矜耳故又嘉其悔悟而不書有罪此網其筆削之至公褒



賤之深意。凡若此類。非君子莫能脩之。

頒方田均稅法

綱頒方田均稅法。皇帝患田賦不均。詔司農重定方

田及均稅法。頒之天下。

方田之法。以東西南北各千步。當四十一頃六十六畝一

百六十步為一方。歲以九月。縣委令佐分地計畫。墮陝原平澤而定其地。因赤淤黑墟而辨其色。方量畢。以地及色參定肥瘠。而分五等。以定其稅。則至明年三月畢。揭以示民。一季無訟。即書戶帖。連莊帳付之。以為地符。均稅之法。縣各以其租額稅數為限。舊嘗收蹙奇零。如米不及十合。而收為升。絹不滿十分。而收為寸之類。今不得用其數。均攤增展。致溢舊額。凡越額增數。皆禁。若瘠鹵不毛。及眾所食利山林陂塘溝路墳墓。皆不立稅。凡田方之角立土為峰。植其野之所宜木。以封表之。有方帳有莊帳。有甲帳有戶帖。其分烟析產典賣割移官給契。音陂原之陂音坡。不縣置簿。皆以今所方之田為正。註平也。淤音迂。泥潑。

也。塘音盧。土黑而疏者謂之塘。不毛地。不  
生草木者曰不毛。陂塘之陂音卑。澤障也。今既具乃

以鉅野縣今山東兗州府鉅野縣尉王曼曼為指教官。先自京

東路行之。諸路倣焉。廣神宗紛紛謬舉。黷於簡冊。至

然亦不見其所謂什一也。綱九月少華山在陝西西安府

華其下地裂陷冬十二月以陳升之為樞密使。

癸丑六年春二月王韶克河州。見四五獲木征

囉見六六卷二八妻子。綱三月置經義局。置訓誥

書周禮義以王安石提舉呂惠卿王雱同脩撰帝欲

召程顥預其事安石不可。綱夏四月文彥博罷。置彥



果實亦官  
監賣

博久居樞密。以王安石多變舊典。言於帝曰。朝廷行  
事務合人心。宜兼采衆論。以靜重爲先。陛下勵精求  
治。而人心未安。蓋更張之過也。祖宗法未必皆不可  
行。但有偏而不舉之弊爾。及市易司立。至果實亦官  
監賣。彥博以爲損國體。斂民怨。致華嶽山崩。爲帝極  
言之。安石曰。華山之變。殆天意爲小人發。市易之起。  
自爲細民久困。以抑兼并爾。於官何利焉。彥博求去  
益力。遂以司空河東治山西節度使判河陽。今河南  
孟徙大名府。今直隸身雖在外。而帝眷有加。**綱**置律

縣

徙大名府

今直隸大名府

身雖在外

而帝眷有加

綱置律

學。詔士之蒞官以法從事。今所習非所學。宜置律。

學。命官舉人皆得入學習律令。綱六月。知南康軍周。

敦頤卒。敦頤道州今湖廣永營道今廢人。初因舅。

鄭向任為分寧今江西南主簿。有獄久不決。敦頤至。

一訊立辨。邑人驚曰。老吏不如也。調去南安今江西。

司理。有囚法當不死。轉運使王達欲深治之。敦頤力。

與辯。達不聽。敦頤委手版笏也。將棄官去。曰。如此尚可。

仕乎。殺人以媚人。吾不為也。達悟。囚得釋。調桂陽今。

廣州今南昌府。富家大姓點陶入。

郴州今南昌府。令改知南昌今南昌府。富家大姓點陶入。

綱鑑易知錄 卷七十一 宋神宗 十五



周子太極圖

周子令二程尋孔顏

樂處吟風弄月

對榻夜談

也。吏惡少。惴惴焉。不獨以得罪為憂。而又以汙穢善  
 政為恥。歷知南康軍。見上年五十七而卒。敦頤博學  
 力行。著太極圖。易通。明天理之根源。究萬物之終始。  
 言約而道大。文質而義精。得孔孟之本原。大有功於  
 學者。為南安司理時。通判程珦。自以其學為知道。使  
 二子顯頤往受業。敦頤每令尋孔顏樂處。所樂何事。  
 顯嘗曰。自再見現周茂叔。敦頤後吟風弄月以歸。有  
 吾與點也之意。侯師聖學於程頤。未悟。因見敦頤。敦  
 頤畱與對榻夜談。越三日乃還。程頤驚異之。曰。非從

濂溪先生

周茂叔來邪。其善開發人類。此既至南康。即築室於

蓮花峰。在江西北九下有溪。在九江府城南合於湓江。在

江府城西。取營道所居濂溪。在道州城西以名之。學者稱為濂

溪先生。**綱**大蝗。**綱**秋九月初策武舉之士。**綱**吐蕃木

征復入河州。見上王韶破走之。遂取岷。民。今陝西岷州衛宕

故城在洮。見四五疊。見四五四城帝御殿受賀。解所

岷州衛。卷三一帶賜王安石進韶左諫。**綱**收免行。抗錢。京師百物有

議大夫端明殿學士。**綱**俱以**綱**冬十月章惇擊南江蠻平之。置沅。原州。今湖

責辦。**綱**行折二錢。沅州府

沅州府。**綱**行折二錢。

宋神宗 十六



**綱**甲寅七年春三月遼使人來議疆事遣太常少卿

劉忱報之**目**遼以河東見上路沿邊增脩戍壘起鋪

舖舍侵入薊應朔三州見卷十三界內使林牙蕭禧來

言乞行毀撤別立界至禧歸帝面諭以三州地界俟

遣官與北朝官即境上議之遂詔忱如遼遼遣樞密

副使蕭素會忱於代州見同上境上詔下樞密院議

且手詔判相州見卷三二韓琦司空富弼判河南府文

彥博判宋興軍治陝西曾公亮條代北事宜以聞琦

言臣觀近年朝廷舉事似不以大敵為卹同彼見形

致契丹疑  
事有七

生疑必謂我有復燕遼都即幽州見之意故引先發

制人之說造為豐端所以致疑其事有七招高麗見六

五卷朝貢高麗為遼所阻不通中國者四十三年熙寧四年五月高麗王徽遣其民官侍郎金

梯等由登州入貢自是一也取吐蕃之地建熙河熙寧

與中國復通聘貢相繼二也植

五年十月置熙河路領熙河洮岷州通遠軍二也植

升鎮洮軍為熙州以王韶為經略安撫使二也植

榆柳於西山以制蕃騎三也初保甲四也築河北直

隸大城池五也置都作院頒弓矢新式六也置河北直

名府六也置河北直

三十七將七也契丹素為敵國因事起疑不得不然

臣嘗竊計始為陛下謀者必曰治國之本當先聚財



為陛下始  
謀者大誤

積穀募兵於農則可以鞭笞四夷故散青苗錢為免  
役法置市易務次第取錢新制日下更改無常而監  
司督責以刻為明今農怨於賦歛商歎於道路長吏  
不安其職陛下不盡知也夫欲攘斥四夷以興太平  
而先使邦本困搖衆心離怨此則為陛下始謀者大  
誤也臣今為陛下計宜遣報使具言向來興作乃脩  
備之常疆土素定悉如舊境不可持此造端以隳  
累世之好去聲可疑之形如將官之類因而罷去益養  
民愛力選賢任能使天下悅服邊備日充若其果自

新法

皇去秋七月  
明不雨至  
夏四月

敗盟則可一振威武恢復故疆權也。累朝之宿憤

矣。弼彥博公亮亦皆有言大抵度上以虜為憂故深

指時事云。**綱**大旱詔求直言夏四月權罷新法雨明發

是時新法害民天怒既久大旱之來是誠逆氣之所

致也神宗能求直言胸中之惻隱顯萌矣迨夫權罷

新法即曰大雨則天人感應之理安可誣哉然不曰

罷而曰權所以譏其偶值天變姑且罷之非真能革

去者也嗚呼吾**目**自去秋七月不雨至夏四月帝憂

形於色欲盡罷法度之不善者王安石曰水旱常數

堯湯不免堯洪水為患但當脩人事以應之帝曰朕

所以恐懼者正謂人事之未脩爾今取免行錢太重



鄭俠郭王  
安石

人情咨怨。自近臣以至后族。無不言其害者。馮京曰。臣亦聞之。安石曰。士大夫不逞者。以京爲歸。故京獨聞此言。臣未之聞也。翰林學士韓維言。陛下損膳避殿。乃舉行故事。恐不足以應變。當痛自責已。廣求直言。帝卽命維草詔行之。初。光州今河南汝寧府光州司法參軍鄭俠。爲安石所獎拔。感其知己。思欲盡忠。及滿秩入京。安石問以所聞。俠曰。青苗免役保甲市易數事。與邊鄙用兵。在俠心不能無區區也。安石不答。久之。監安上門。汴京城門會歲饑。征斂苛。何急東北流民。每風沙

鄭俠流民圖

霏。皚。皚。意。○霏。南。土。蒙。霽。也。陰。而。風。口。皚。詩。邶。扶。藹。

塞。道。羸。疾。愁。苦。身。無。完。衣。或。茹。食。也。木。實。草。根。至。身。

被。鎖。械。而。負。瓦。揭。負。也。亦。木。實。以。償。官。累。累。不。絕。乃。

繪。所。見。為。圖。奏。疏。詣。閣。門。不。納。遂。假。稱。密。急。發。馬。

遞。上。之。銀。臺。司。見六五且。云。早。由。安。石。所。致。去。安。石。

十。日。不。雨。即。乞。斬。臣。宜。德。門。外。以。正。欺。君。之。罪。疏。奏。

帝。反。覆。觀。圖。長。吁。數。四。以。袖。入。內。是。夕。寢。不。能。寐。翌。

日。命。開。封。體。放。免。行。錢。三。司。察。市。易。司。農。發。常。平。倉。

三。衛。具。熙。河。所。用。兵。諸。路。土。民。物。流。散。之。故。青。苗。免。



復行新法

役權息。追呼方田保甲。並罷。凡十有八事。民間謹呼相賀。是日果大雨。遠近沾洽。**綱**下監安上門。鄭俠獄。復行新法。**目**輔臣入賀雨。帝示以俠所進圖狀。且責之。皆再拜。安石上章求去。外間始知所行之由。羣姦切齒。遂以俠付御史。治其擅發馬遞罪。呂惠卿鄧綰言於帝曰。陛下數年忘寢與食。成此美政。天下方被其賜。一旦用狂夫之言。罷廢殆盡。豈不惜哉。相與環泣於帝前。於是新法一切砌如故。惟方田暫罷。**綱**吐蕃木征圍河州。見王韶擊降之。帝送木征赴京師。帝大喜。以木征爲營州。

○營州見六十卷二十綱王安石免以韓絳同平章

事呂惠卿參知政事。王安石執政六年更法度開邊

疆老成正士廢黜殆盡賁慧少年超擢用事天下

怨之。而帝倚任益專。太皇太后嘗乘閒閒。乘語去

帝曰。祖宗法度不宜輕改。吾聞民間甚苦青苗助役

宜罷之。帝曰。此以利民非苦之也。后又曰。王安石誠有

才學然怨之者甚衆欲保全之不若暫出之於外。帝

曰。羣臣惟安石爲國家當事。時帝弟岐岐州今陝西鳳翔府王

顥在側。因進曰。太后之言至言也。不可不思。帝怒曰。

太后至言



是我敗壞怪天下邪。汝自爲之。顯泣曰。何至是邪。皆

不樂而罷。久之。太后流涕謂帝曰。安石亂天下。奈何。

帝始疑之。及鄭俠疏進安石不自安。遂求去位。帝再

四勉雷安石請益堅。乃以觀文殿大學士知江寧府

見六九呂惠卿使其黨變姓名自投見四八雷之

安石感其意。因乞韓絳代已。而惠卿佐之。帝從其請。

二人守其成規。不少失。時號絳爲傳法沙門。惠卿爲

護法善神。綱初權見十四蜀茶。綱五月罷制科。綱三

司使曾市提舉市易司呂嘉問免。呂惠卿劾布等沮新法出布知饒州

傳法沙門

護法善神

立手實法

嘉問亦出知常州。綱六月作渾儀。見三五浮漏。銅壺

也。提舉司天監沈括始制渾儀景表綱秋七月立

成五壺浮漏至是成以括為右正言。綱

手去實法。目時免役出錢。見上卷或木均呂惠卿用

其弟曲陽。今直隸真定府曲陽縣尉和卿計制手實法其法官

為定物價使民各以田畝屋宅資貨畜。休去聲產隨價

自占。見十四卷七非用器食粟而輒隱落者許告有實以

三分之一充賞詔從其言於是民家尺椽寸土檢括

無遺至於雞豚亦徧鈔鈔之民不聊生。綱冬十月置

三司會。贈計司。綱十二月以王韶為樞密副使。



取唐相傳  
為兩軸

宗賢

李林甫

玄宗

盧杞

德宗

傳為

兩軸

題曰

正直君

子邪曲

小人

事業圖迹在位之臣與之暗合者各以其類復為書獻之且薦馮京可相惠卿奏為謗訕命

論呂惠卿朋姦壅蔽仍取唐魏徵太宗賢相姚崇宋璟俱

知政事馮京放祕閣校理王安國于田里臣俠上疏

綱乙卯八年春正月蔡挺罷綱竄鄭俠于英州罷參

州府御史臺吏楊忠信謁俠曰御史緘默不言而君

上書不已是言責在監門俠監安上門而臺中無人也取

中丞鄧綰知制誥鄧潤甫治之遂編管俠於汀洲今福

王安國素與鄭俠善

懷中名臣諫疏二帙授俠曰以此爲正人助京在政

府常與惠卿爭辨而王安石弟安國素與俠善侍御

史張璪承惠卿旨劾京與俠交通有迹時俠已行惠

卿遂令奉禮郎舒亶往捕遇於陳州今河南開封府陳州搜其

篋狀得所錄名臣諫疏有言新法事及親朋書尺悉

按姓名治之獄成惠卿欲致俠以死帝曰然所言非

爲身也忠誠亦可嘉意宜深罪但徙英州見六八卷三京

罷政出知亳州見上安國奪祕閣校理放歸田里初

安國仕西京見上國子教授秩滿至京師帝以安石



故特名對問曰。漢文帝何如主。安國對曰。三代以後未有也。帝曰。但恨其才不能立法更制耳。安國對曰。

文帝自代來。入未央宮。定變故。俄頃呼吸閒。

見十一卷十三

恐無才者不能

恐無才者不能至。用賈誼言。待羣臣有節。專務以德。

文帝加有才等

化民。海內興於禮義。幾致刑措。則文帝加有才一等。

矣。帝曰。王猛。

見三十三卷三十佐苻堅。以羣

華爾

視小國而令必

行。今朕以天下之大。不能使人何也。曰。猛教堅以峻。

刑法殺人。致秦祚不傳世。今刻薄小人。必有以是誤。

陛下者。願專以堯舜三代為法。則下豈有不從者乎。

王安石復

帝又問卿兄秉政外論謂何安國對曰恨知人不明聚斂太急爾帝不悅由是止授崇文院校書尋改祕閣校理安國屢以新法之弊力諫安石又嘗以佞人目惠卿故惠卿銜恨也之綱二月復以王安石同平章事目初呂惠卿迎合安石建立新法安石故力援引驟至執政惠卿既得志忌安石復用遂欲迎閉其途凡可以害安石者無所不用其智安石聞而怨之時韓絳頗處中書事多稽留不決且數與惠卿爭論度鐸不能制密請帝復用安石帝從之安石承命



沈括報邊

卽倍道而進。七日至汴京。綱二月。遼人復來議疆事。

遣知制誥沈括報之。曰。劉忱與蕭素議不能決。虜初

指蔚朔應三州。

見上十六

分水嶺土壘。

田開高處曰壘

爲界。及忱

與之行。

上聲。視也。巡視。

無土壘。乃但云以分水嶺爲界。凡

山皆有分水。虜意至時可以罔取也。相持久之。至是

遼主復遣蕭禧來致圖書。以忱等遷延爲言。乃命韓

績代忱等與遼使議。績與禧爭辯。或至夜分。禧執分

水嶺之說。不變。畱館不肯辭。曰。必得請而後反。帝不

得已。先遣知制誥沈括報聘。括詣樞密院問故。牘得

沈括開故牘得邊界

頃歲所議疆地書指古長城

秦築在山西大同府城北為分界今

所爭乃黃嵬山相遠三十餘里表論之帝喜曰大臣

殊不究本末幾設國事乃賜括白金千兩使行括至

遼遼相楊益戒與議不能屈謾曰數里之地不忍而

輕絕好

去聲

括曰師直為壯曲為老今北朝棄先君

之大信以威用其民非我朝之不利也凡六會竟不

可奪乃

還括在道圖其山川險易迂直風俗淳龐

龐雜

人情向背為使契丹圖土之綱夏四月以吳充

為樞密使

閏月陳升之罷

**綱**

六月王安石上三經

沈括使契丹圖



王安石上  
三經新義

王呂之怨  
益深

王安石詆  
春秋為斷  
爛朝報

王安石字  
說

新義詔頒于學宮。王安石等以所訓釋詩書周禮三經上進。帝謂之曰。今談經者人入殊。何以一道德。卿所著經。其以頒行。使學者歸一。遂頒於學宮。號曰三經新義。加安石左僕射。夜呂惠卿給事中。王雱龍圖閣直學士。雱辭新命。惠卿勸帝許之。由是王呂之怨益深。新義既頒。一時學者無敢不傳習。主司純用以取士。先儒傳去聲註一切砌廢而不用。又黜春秋之書。不列學宮。至詆之為斷。短爛朝報。安石又以字學久不講。後罷居金陵。今江南江寧府作字說二十四卷以進。

富民誤士

何異洪水  
南獸之害

多穿鑿附會其流入於佛老云

靜軒周氏曰嘗觀安石存心詭譎為學偏僻其  
自幼有矯世變俗之志而設施罔非矯世變俗  
之為前行新法而害民此上新義而誤上蓋可  
見矣夫以安石所釋詩書周禮三經上進先儒  
傳註一切廢棄而以春秋為斷爛不列於學官  
新義既頒天下傳習主可以之而取上學者以  
之而進身其惑世誣民充塞正道何異洪水禽  
獸之害乎說苑曰有國者不可不學春秋蓋春  
秋聖人筆削之書寓一王之大法存褒貶之至  
公安石棄而不用者特以誅亂討逆而心常厭  
惡云爾經曰非聖人者無法其罪可勝誅哉他  
日又作字說穿鑿附會流於佛老是乃援儒入  
墨非特當世之罪人實薄世之罪人也雖然浮  
雲蔽日不能損其真明聖賢之道昭著於上下  
貫徹乎古今豈安石鄙夫所能損益耶



綱司徒侍中魏公韓琦卒。目琦卒前一日。大星隕州。

相州見治。歷力。馬皆驚。帝自為碑文。載琦大節。篆

其首。白兩朝。

仁宗英宗

顧命定策元勳。贈尚書令。諡忠獻。

後追封魏王。

史臣曰。琦相三朝。立二帝。厥功大矣。當治平危  
疑之際。兩宮幾成嫌隙。琦處之裕如。卒安社稷。  
人服其量。歐陽脩稱其臨大事決大議。垂紳正  
笏。不動聲色。措天下於泰山之安。可謂社稷之  
信哉。

割地與遼

綱秋七月。詔韓縝如河東。割地以界神遼。目遼使爭

議疆事不決。帝問於安石。安石勸帝曰。將欲取之。必

遂為異日  
斷兵之端

姑與之。於是詔於分水嶺為界。禱乃去。至是遣天章

閣待制韓縝如河東。見上十六割新疆與之。凡東西失地

七百里。遂為異日興兵之端。**綱**八月韓絳免。絳以疾求罷出

知許州而三司會計司亦罷**綱**冬十月。以惠卿有罪。免。**目**御史蔡

承禧論惠卿姦惡。惠卿居家俟命。中丞鄧綰亦欲彌

縫前附惠卿之迹。以媚安石。安石子雱復深憾惠卿

遂諷綰發惠卿兄弟。弟和強借秀州。今浙江嘉興府華亭。今江

南松江府富氏錢五百萬與知華亭縣張若濟買田

共為姦利事。置獄鞫菊之惠卿竟罷出知陳州。見上



綰又論三司使章惇協濟惠卿之姦出知湖州今浙

州綱彗星見五卷見詔求直言罷手實法綱彗出軫

鄧綰請罷  
手實法

名詔求直言赦天下詢政事之未協於民者鄧綰言

凡民養生之具日用而家有之今欲盡令疏實則家

有告訐之憂人懷隱匿之慮商賈通殖貨利交易有

無或春有之而夏已蕩析或秋貯之而冬已散亡公

家簿書何由拘錄其勢安得不犯徒使銀訟謂口

忠信之言而惟務爭辯也虞者趨賞報怨畏怯者守

死忍困而已詔罷手實法



此固春秋  
誅心之法

雲開張氏曰。手實之法。始於惠卿。當惠卿得志之日。曾無一人論其非者。及其免黜。鄧綰小人。乃乘其敗而奏免之。然罷手實之法。當矣。夫何綱日止書曰。罷手實法。若不預綰。然者。蓋罷之者。非綰之本心也。特撓之以媚安石耳。此固春秋誅心之法也。

綱十一月交陞今安南國大舉入寇。陷欽今廣東廉

廉即廉州府十二月以元絳參知政事。曾孝寬簽書

樞密院事。絳在翰林。諂事王安石。而安石嘗德曾

公亮之助已。欲引公亮子孝寬於政地。以報之。由是

二人同升。綱罷直學士院。陳襄襄福州侯官建福

州府侯官縣人。舉進士。歷知仙居今浙江台州河陽今河南

官縣。人舉進士。歷知仙居今浙江台州河陽今河南終

綱鑑易知錄 卷七十一 宋神宗 二七



陳襄請斥  
王安石等  
三人

陳襄薦司  
馬光等三  
十三人

慶府縣。留意教化。進縣子弟於學。判府富弼奇之。及  
弼相。薦諸朝。累擢侍御史。上疏論青苗之害。曰。臣觀  
制置司所議。莫非引經以爲言。而其實則稱貸以取  
利。是特管夷吾商鞅之術。望貶斥王安石。呂惠卿。以  
謝天下。罷韓絳。以杜大臣爭利而進者。不聽。乃請外  
帝惜其去。畱脩起居注。安石屢欲出之。帝不許。三遷  
直學士院。帝嘗訪人才之可用者。襄以司馬光。韓維。  
呂公著。蘇頌。范純仁。蘇軾等三十三人對。安石益惡  
之。擿惕也。其書詔小失。諷御史劾之。遂知陳州。見終



